

POESÍA VASCONGADA

KONTZEZIYO-KO BIRJIÑA MARIA-RI KANTACHOAK,
JOSE MARIA ANABITARTE-K. IPIÑIAK

Zeru-lurreko Erregiñ
Birjiña Mariya
gorde zazu betiko
gure Euskal-erriya.

*Beti izandu zera
euskaldunen Ama,
biartazun danetan
guaz zure gana
Zu zera guretzako
izango zerana
zeazkatik obira
gidari laztana.*

Zeru-lurreko Erregiñ, etc.

*Jayotzetikan zera
errurik gabia
Jainkoa-ren gandikan
omenez betia
guk ere nai genduke
¡Birjiña maitia!
erru eta loikeriz
garbi izatia.*

Zeru-lurreko Erregiñ, etc.

*Zeru-ko baratzetan
lore apañena
Zu zera Ama maitia
eder ederrena;
Zuk betetzen dezu ¡bai!
biyotza den dena
¡Zu zera Zu, Loria
euskaldunarena!*

Zeru-lurreko Erregiñ, etc.

*Zeru urdiñetako
izar argitsua.
itzaltzen da agertzian
zure errañua,
onek jarritzen digu
biyotza sutua
Zu zera bai Izarra
Euskal-errikua.*

Zeru-lurreko Erregiñ, etc.

*Aingerubak zeruban
 lurrian gizonak
 ematen dizkitzugu
 biyotzez omenak;
 guretzat dituzu Zuk
 zorion onenak
 guk berrik Zuretzako
 gure biyotz denak.*

Zeru-lurreko Erregiñ, etc.

*Zanpaturik buruba
 suge gaiztoari
 zeruba iriki zan
 Even semeari;
 eman biar dizkagu
 eskerrak ugari
 ¡Eker Kontzeziyo-ko
 Ama Maria-ri!*

Zeru-lurreko Erregiñ, etc.

KAYIAN, A. DARRA-K IDATZIA

*Mikela ta Panchikar
 ziyo eta ziyo,
 aditu genituben
 zenbait maldiziyo.
 Batek diyo: itz-ontzi;
 ta bestiak diyo:
 ni naiz itz-ontzi baña
 zu..... itza-jariyo.*